



UNIVERSITÄTS-
BIBLIOTHEK
PADERBORN

**Francisci Montmorencii E Societate Iesv Cantica Et Idyllia
Sacra**

**Montmorency, François de
Antverpiae, 1638**

Deus iudicium tuum. Psal. 71.

[urn:nbn:de:hbz:466:1-69423](https://nbn-resolving.org/urn:nbn:de:hbz:466:1-69423)

PSALMVS LXXI.

TITVLVS

* In Salomonem.

* Hieronymus proprie
dixit ex Hebraeo, Salo-
moni: sup-
ple, dictus
aut con-
gruens
Psalmus.

DEus iudicium tuum Regi da : &
iustitiam tuam filio Regis:

Iudicare populum tuum in iustitiâ , &
pauperes tuos in iudicio.

Suscipiant montes pacem populo : &
colles iustitiam.

Iudi-

ARGUMENTVM.

Postquam rex DAVID filium SALOMONEM, MESSIÆ typum, summâ totius populi gratulatione, solemniter in Regem inauguratum vidit; illi spiritum Iudicij, ac fausta omnia à DEO precatur hoc septuagesimo primo Psalmo. Is præter ceteros visus est mihi opportunus, quem modò sub auspiciatum Serenissimi Cardinalis FERDINANDI Hispaniarum Infantis ad suos Belgas aduentum, pari lætitiæ sensu vsurparem, pari votorum ardore Optimo Principi consecrarem.

DA Deus, ut terris equali iura tenore
Rex plures dicat in annos.
Da quoque, per patrias ut Regis filius
artes

* Tenero formatus ab ungui
Fas aquumque colat. Tua sit sapientia præsto
Juveni quem mittis in amplum
Imperium: leges populis ferat ille salubres
Quibus aduenit omne fausto
Publica per procerum lectus suffragia Prin-
ceps.

O! mons dilecte Sionis
Excipe formosum plausu Salomona secundo,
Niveam simul excipe Pacem,

Regius Regū c.1.

* Salomon à pueritiâ sanctissimè educatus à Propheta Nathan: quo etiam adnitete, & alijs Regni Proceribus, designatus est à Dauide patre in successorem Regni. Lib.1. Paralip. c.29. & lib.3. Regū c.1.

Iudicabit pauperes populi, & saluos faciet filios pauperum: & humiliabit calumniatorem.

Et permanebit cum Sole, & ante Lunam, in generatione & generationem.

* Regem recens in auguratū describit, aduentu suo subditos recreantem, & benevolentissimè ab ijs exceptum, sicut imbrem serotinum ab herbâ de zonsâ, qua Hebrais est vellus.

* Descendet sicut pluuia in vellus: & sicut stillicidia stillantia super terram.

Orietur in diebus eius Iustitia & abundantia Pacis: donec auferatur Luna.

Et dominabitur à mari vsque ad mare: & à flumine vsque ad terminos orbis terrarum.

Coram

Regius hic blando iuuenis quam nomine praefert.

Hoc fretus Iudice pauper

Non metuet motas vicino à diuite lites,

Non exitiale tribunal.

Non gemet iniusto miserum sub fœnore vulgus.

En arbiter æquus egenos

Qui leuet, insontes absoluat, subruat astus

Quos dira Calumnia struxit.

Aurea prouenient illius sæcula regno:

Regno quod finiet idem

Terminus aternos Solis qui sopiet ignes,

Qui Luna lampada condet.

O qualem Solymæ se Princeps mœnibus infert?

Quas in spes erigit urbem?

Talis in arentes optatus decidit imber

Cancris sub sidere glebas:

Talis Ituræam transmissa canalibus unda

Riuo beat ubere vallem.

Dicite Iò uiuat! bis Iò Iò dicite uiuat!

Salomoni plaudite turba;

Auspice quo, terris Virgo redit arbitra le-

gum,

Redit almo Copia cornu,

Et Pax, non alio posthac turbanda tumultu

Quàm quo vaga machina cali

Soluetur, quo stellarum regina bicornis

Statione reuulsa fatiscet.

Illius Imperij, medium quod Tigris oberrat,

Prætexit & undique pontus,

Non

Coram illo procident Æthiopes : & inimici eius terram lingent.

* Vox Tharſis non mare, non Tharſum Cili- cia, ſed Hi- ſpaniam, & ultra eam Indias ſi- gnificat, quò fre- quens itio & reditio Phœnicum nautarum. Fuſius id probat no- ſter Pineda.

* Reges Tharſis & inſulæ munera of- ferent: Reges Arabum, & Saba dona ad- ducent.

Et adorabunt eum omnes Reges terræ: omnes Gentes ſervient ei.

Quia liberabit pauperem à potente : & pauperem, cui non erat adiutor.

Parcet

Non minor est toto modus aut angustior Orbe.

Par claudit limes utrumque.

Et quis huic armis certet? quis tantus, ut hostis

Possit Salomonis haberi?

Si tamen Æthiopes, illi si fusca Syëne

Ausint indicere bellum,

Protinus Æthiopes, & protinus atra Syëne

Vertent formidine terga;

Afflictique solo, proiectis turpiter hastis,

Ponent in pulvere collum.

Muneribus Reges quanto sapientius amplis,

Seu quos Hispania, seu quos

Tharsus habet, cupiet bene de Salomone mereri,

Et vectigalia pendent!

Mittet ab Eois Ophire fornacibus aurum,

Gemmas opulentus Hydaspes,

Indus ebur: venient Arabum de mollibus hortis

Crocus, & qui balsama stillat.

Leniter incisus pretioso vulnere cortex:

Myrrham donabit Orontes;

Dives ab Antarcto messem Regina Sabaam

Nabathæaque germina promet.

Denique quotquot erunt à Gadibus usque su-

premis

Ad Caspia littora Reges,

*Huius adorandis libabunt * oscula plantis:*

Huic seruiet ultima Thule.

Sic tamen à tumidis metui volet ille Tyrannis,

Vt longè malit amari.

* Hinc dicta adoratio, quòd ore seu osculo fieret.

K

A tenui

viuet, accipi
potest nu-
mero plu-
rali uiuent:

scilicet pau-
peres, qui-
bus Rex an-
nonam &

aurum A-
rabia dis-
tribuet.

b In nostrâ
lectione cõ-
positum ad-
orabunt,

accipi debet
pro suo sim-
plici: sic le-
git August.

& Hieron.
contra Io-
nian. ora-
bunt pro eo
semper.

c Chaldaeus
Paraph. le-
git, substã-
tificus pa-
nis; iuxta il-
lud Ps. 104.

Et omne
firmamen-
tum panis
contriuuit.

Parcet pauperi & inopi: & animas pau-
perum saluas faciet.

Ex vfuris & iniquitate redimet animas
eorum: & honorabile nomen eorum co-
ram illo.

a Et uiuet, & dabitur ei de auro Arabia,
& b adorabunt de ipso semper: tota die bene-
dicent ei.

Et erit c firmamentum in terra in sum-
mis montium, d superextolletur super Liba-
num fructus eius: & florebut de ciuitate
sicut e fœnum terræ.

Sit nomen eius benedictum in sæcula:
ante Solem permanet nomen eius.

Et benedicentur in ipso omnes tribus ter-
ræ: omnes gentes magnificabunt eum.

d Hunc versum sic exponit Rabbi Ioseph apud Pagninum:
Seminabit agricola fruges etiam in vertice montium;
& spicæ trement & fluctuabunt vento in eas flante
sicut arbores Libani.

e Fœnum terræ, est herba; cuius instar germinabit
frequens ciuis in urbibus.

Bene-

A tenui (quæ Regis erit Clementia) plebe.

» *Ars est hæc scilicet illi*

» *Parcere pauperibus, frangoq; domare superbos.*

Patria Pater audiet inde,

Et statuis se subscribi patietur ahenis

Inopum commune leuamen,

*Quos dape, quos Arabum gazis cumulabit &
auro.*

O tali Principe felix

Pro Salomone manus celo plebs tolle supinas:

Caleant altaria thure.

Efficiet rata vota Deus; carumque Sioni

Caput hoc seruabit in æuum.

Abramidasque pios ubertas læta reniset

Spicis redimita capillum.

Farra metet summis in montibus orta colonus

Vbi senerat antè cupressos;

Intactosque prius splendenti vomere saltus

Flauis obducet aristis.

Cernere erit tremulum culmis undare Tabori

Dum sibilus instrepet Euri:

Qualiter aduentu Boreæ frondosus inhorret

Libanus, vel buxifer Hermon.

Faciam quanto sobolem mirabimur auctu

Asie crenisse per vrbes?

Non ita per virides adolescunt gramina ripas

Vitreum Iordanis ad amnem.

Tam fortunati quæ tellus Principis vsquam

Titulos nomenque tacebit,

K 2

Quod

Benedictus Dominus Deus Israël, qui facit mirabilia solus:

Et benedictum nomen maiestatis eius in æternum : & replebitur maiestate eius omnis terra: fiat, fiat.



*Quod nec longa dies poterit, nec linor iniquus,
 Nec edax abolere vetustas?
 Exoriare NEPOS mihi qui deberis ab illo,
 Ut libertate redones
 Humanum quandoque genus. Spes illa salutis
 Superest mortalibus agris.
 Hanc ego non-vanus populis denuntio vates,
 Mihi quam Deus indicat ipse
 Abramidum Deus; attonito qui talia solus
 Edit miracula mundo,
 Maiestate sui qui numinis omnia complet,
 Terrasque æthramque liquentem.
 His mea pro meritis illius dicit honori
 Votivum barbytos hymnum.*

